



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. XVII. Risus acceptio multiplex. varia de hoc auctorum loca
animadversa & explicata.

urn:nbn:de:hbz:466:1-13245

enim de his multa ab iis qui eum præcesserunt, bene scripta exstant: a nullo tamen sic de omnibus, nisi quis Asclepiadis Tantum laudet. Ita igitur ut dixi, legendum censeo.

C A P U T X V I I I .

Risus acceptio multiplex. varia de hoc auctorum loca animadversa & explicata.

Quid sit propriæ ridere; quid risus, nemo ignorare potest, cui non sit homo ignoratus, qui non ipse sibi. Quippe hominis proprium τὸ γέλασικὸν apud philosophos. Cum autem eundem longe diversis rebus Græci & Latini autores attribuunt, atque ad res etiam inanimatas vel homine superiores transferunt, quid ibi risus nomine intelligi debeat, non perinde omnibus promptum, obviumque esse arbitror. Horum quædam hic attingere visum est. Primum ridere dicitur, quicquid jucunda specie sensus animumve oblectat; quo pacto, prata, hortos ridere dicimus. Etiam de odorum fragrantia usurpat Catullus in Epithalamio:

Advenit Chiron portans silvestria dona.

Nam quo scumque ferunt campi, quos Thessala magnis
Montibus ora creat, quos propter fluminis undas
Aura parit flores repidi fœcunda Favoni,
Hos indistinctis plexos tulit ipse corollis,
Quæ permulta domus jucundo risit odore.

Occasio translationis, quia, ut risus in homine lœtitiae est signum & soboles: sic species illa terræ variis floribus, tanquam gemmis distinctæ & micantis, argumentum est & fœcunditatis in ipsa, & vigoris in stirpium naturis, quæ ea-

rum

MISCELL. OBSERV. CAP. XVIII. 135

rum rerum l^aetitia esse intelligitur: unde l^aeta segetes, l^aeta fruges, apud Poëtam, quæ facile proveniunt; & l^atamen quo terra l^atior, hoc est, fœcundior redditur. Servius: *Latus* (inquit) prout res fuerit, accipimus, ut latus homo, i. hilaris; latum pecus, pingue; latum legumen, fertile: & sic in reliquis. Sicut igitur l^aetitia varie intelligitur pro cuiusque rei natura & captu, ita & risus. Mare etiam ridere dicunt poëtæ, ut *Lucretius* initio;

— *Tibi rident aquora ponti.*

Cum scilicet undarum superficies levi flatu crispatur. duciturque translatio ab eo, quod in vultu humano appetet: nam & ora ridentium sinuantur. *Aristoteles* sect. 23. Problem. 1. Διὰ τὶ τὸ κῦμα ἐπιγελᾷ ἐν τοῖς Καθέσι πελάγεσιν, ἀλλ’ ἐν τοῖς μηκοῖς καὶ ξερχέσιν. Gaza ita vertit: Cur fluens praetipi pelagi superfrangi non solent, sed parvi tautum & brevis? Rursus ejusdem sect. probl. 24. Διὰ τὶ εν τοῖς Καθέσι πελάγεσι τὸ κῦμα ὅντε πειγελᾷ. Septalius non absimili sensu: Cur unda non interciditur in profundis pelagis. causam explicat philosophus: Οὐ τὸ μηκὸν ὑγρὸν Φερόμενον μᾶλλον διαιρέσαι ύστο τῷ πνεύματι. i. Quia parum humoris cum fertur, magis dividit a spiritu potest, quam multum. Quibus ex verbis patet, quid sit mare ἐπιλεγάν. nempe ridere dicuntur, cum non multum aquæ movetur, & id quod movetur, in multas exiguae & innumerabiles particulas frangitur: unde apud *Aeschylum*, πολύων τε κυμάτων ἀνήσθμον γέλασμα. Plutarchus quoque ex cuiusdam poëta dithyrambis hæc affert in libro de primo frigido: Οὐ γὰρ ἄλιος αἰσχών, ὃς τις εἴσετων διθυραμβοποιῶν, ἐνθὺς ἀνέπλασεν αἴροεσταν μέγαν οἷνον αἱρέμων. ἐκτέττε δὲ καὶ λίμνη καὶ θαλάτη μοιραν ἀυγῆς κατιὼν ἔνιστι, καὶ Συθεὶ πολαμῶν διεγελῶσιν. i. Sol enim emergens, ut quidam dithyramborum poëta dixit, statim magnam gradientum per aërem ventorum domum implevit: exinde & splendoris partem paludi & mari descendens immisit, & fluviorum fundi rident. Jam vero & maris cachinos

dixit Catullus, cum vento agitata strepitum edit;
 Hic qualis flatu placidum mare matutino
 Horrisans Zephyrus proclivas incitat undas,
 Aurora exidente vagi sub lumina Solis:
 Quæ tarde primum clementi flamine pulsæ
 Procedunt, leni resonant plangore cachinni.
 Ita & Græci. Euripides in Hippolyto.

καὶ τέριξ ἀφεὸν

Πολὺν καγχάζων ποντίῳ φυσήματι.

Attius, Phinidis;

Ac ubi curvo litore latrans.

Unda sub undis labunda sonit:

Similē circum magnisonantibus

Excita Saxis sava sonando

Crepitu clangente cachinnat.

Ac de maris undarumque risu hactenus: nunc age & Vulcani
 hoc est ignis risum ostendamus apud Aristotelem lib. 2. Me-
 teor. ubi de tonitus fragore, qui violentam aëris percussio-
 nem sequitur: Γίνεται δὲ η πληγὴ (ἀέρος) τὸν αὐλὸν τρέπον,
 ὥστε εἰκάσαι μέγονι μικρὸν πάθος, τῷ δὲ τῇ φλογὶ γινομέ-
 νῷ φόφω, ὃν καλοῦσιν, οἱ μὲν Ἡφαιστον γελᾷν, οἱ δὲ τὴν Ε-
 σταῖον οἱ δὲ ἀπειλῆν τέτων. i. Fit autem percussio eodem modo
 (ut componatur majori minor passio) ei qui in flamma fit sono,
 quod quidam ridere Vulcanum appellant: alii Vestam: nonnul-
 li horum comminationem. Non recte autem eo loco adver-
 bium ὥσπερ junctum legitur infinitivo, præter Græcorum
 consuetudinem; vera lectio est, ὡς εἰκάσαι, ut in primo
 de historiis animalium cap. 6. de Cordylo pisce: ἐχόει δὲ
 μοινού γλαυκὸν τὸ ὄντας, ὡς μικρὸν εἰκάσαι μεγάλω. Est au-
 tem figura ad declinandam invidiam audacioris compara-
 tionis, ut apud Maronem in 4. Georgic.

— Si parva licet componere magnis.

Nec dubium quin ab hoc Aristotelis loco sumpserit. Ce-
 terum est alia risus acceptio μυσικωτέρα, apud Théologos.
 qua-

qualis ejus, cui primo nomen a risu inditum apud Hebraeos,
& reliquorum sapientum de veritatis intuitu gaudentium
intus, & pectore: non oris rictu & cachinnis, quod stul-
torum est. Ita enim Philo nomen Isaac interpretatur in li-
bro de Abrahamo. Οὐ μελλόσας σφαγιάζεται, παλεῖται χαλ-
δαισὶ μὲν Ἰσαὰκ, εἰλησι δὲ μελλοφθέντες ὅνοματος
γέλως. γέλως δέ τοι δικαίου παιδιὸν ἐγένομεν τούτῳ παρα-
λαμβάνεται νῦν, αλλ' οὐ διάνοιᾳ ἐνπάθεια παὶ χαρά.
i. Qui adducitur pro victimā (nota historia est Abrahāmi,
ut jussus sit immolare filium) Chaldaice Isaac, Latine risus
vocatur. Qui risus non intelligitur nunc pro petulanti vultus ha-
bitu, sed pro mentis bene affecta gaudio. Ibidem litare Deo
sapientem hoc risu symbolice autumat, quo intelligatur
maxime Dei esse proprium gaudere. Idem Isaac ludens
cum uxore inducitur in terra aliena, Genes. 26. non sine
mysterio: scilicet is ludus, juxta Clementem Pedag. lib. 1.
cap. 5. intelligendus est, quem viri sancti Deo exhibent
toto vitæ decursu, dum varios in hoc seculo pro virtute
labores sustinent, qui ad futuram gloriam collati mera
sunt ludibria, eo quod nullam, auctore Apostolo, ad cœle-
stia bona rationem, aut dignitatem habeant: vel qualem
ludum Jovi Heraclitum tribuisse idem Clemens notat:
Τοιαῦτα τινὰ παιζειν παιδιὰν, ίὸν ἑαυτῷ Δία Ήράκλειον λέ-
γει. τί γὰρ ἀλλο ἐνπρεπὲς ἔργον σοφῶν παῖς τελέων, ηπαιζειν
καὶ συνευφεινεῖται τῇ τῶν καλῶν ὑπομονῇ καὶ διοικήσει τῶν κα-
λῶν, συμπαντηγείζονται τῷ θεῷ. i. Talem ludum ludere suum
Jovem dicit Heraclitus. Quid enim aliud vero sapienti & perfe-
cto magis convenit, quam ludere & collatari, per honestarum
rerum tolerantiam, & bonorum administrationem, dies festos
cum Deo celebrantem.

Sed alia adhuc expositio est, apud eundem Clementem,
hoc gaudium huncque ludum de Christo & Ecclesia in-
telligentium. Quo sane etiam oraculum illud spectat in
Proverbiis cap. 8. ubi sapientia loquens inducitur: *Et de-*

lectabar, inquit, per singulos dies, ludens in orbe terrarum & delicia mea esse cum filiis hominum. Possem multa ex Platone, qui in septimo dialogo de legibus, hominem θεός παιγνίον vocat & θαυμα, hoc est, ludicrum, haud multum differens ab iis machinis, quas θαυματοποιοι otiosis ad animi relationem & ludum exhibent. Quin religionem nihil aliud esse, nisi τινὰ παιδιάν ; quendam lusum, quem sibi Deus ab hominibus in hac vita exhiberi vult. Quod cave putes dictum a Platone ad minuendam religionis auctoritatem, sed quo sensu scriptura citatis locis. Ita divina divinis fiunt consona; mira enim est profunditas in dictis Platonis multaque apud eum, quæ intelligentibus sine horrore legi non possint. Non possum mihi temperare, quin & Procli Diadochi locum de risu Deorum subnectam, ex commentariis in Rerum publicam Platonis ; estque expositio loci Homerici,

Aἰσθετοὶ δέ αἱρέτο γέλως μακάρεοι θεοῖσι.

Inextinguibilis autem excitatus est risus beatissimi Diis.

Ibi post multa de Vulcani proprietate in Theologia veterum subdit: Ως οὖν συνελόντι Φάναι τὸν γέλωντα θεῶν, τὴν ἀφθονον εἰς τὸ πᾶν ἐνεργείαν, καὶ τὴν δὲ ἐυθυμοσύνην τῶν ἐγκοσμίων αἰτίαν ἀφοριζέον. διέτι δὲ αἰναλάηπτός Εστιν ή τοιαύτη πρόνοια, καὶ η τῶν αἰγαθῶν μελάδοσις παρὰ τοῖς θεοῖς ἀνέκλειπτο. εἰνότως αἴρα παῖς τὸν ποιῆν, αἰσθετοὶ διύλων γέλων προσειρηκέναι συγχωρήσεον. i. Ut brevi complectar, Deorum risus, abunde suppetens ad omnia operatio, & latitia eorum, quae sunt in mundo, causa intelligenda est. Et quia ejusmodi providentia & bonorum omnium collatio a Diis non cessat; jure a poeta risui ipsorum id epithetum adjunctum fuisse satendum est. Hæc de risu Deorum in veterum theologia annotare visum est, quod animadverto, magnum virum in notis ad Maximum Tyrium, ita sentire de risu, ut hunc Deo tribui posse sine summa impietate non putet. Quod forfasse non scripsit-

MISCELL. OBSERV. CAP. XIX. 139
psisset, si quo tempore scribebat, cum locum Procli in me-
moria habuisset.

C A P U T X I X.

*Non recte judicare, qui librum de Mundo, Aristote-
lis nomine inter alia ejus volumina publicatum ha-
bitumque, genuinum ejus esse factum negant. obiter
de Proclis, & catalogo librorum Aristotelis.*

 Uia me alias complurium doctorum virorum exemplo, loca ex eo libro, ut *Aristotelis γνῶσις* citare memini; alii autem non pauci neque indocti ambigunt, an sit recte ei adscriptus; immo genuinum ejus esse opus plane inficiantur, & conjecturas proferunt, paucis sententiam meam, de hac controversia, aperire decrevi. Sic existimo, nullam rationem idoneam afferri posse, qua non esse id scriptum *Aristotelis* probetur: neque esse, cur quisquam vereatur loca ex eo proferre & sententias nomine *Aristotelis*; quod si ab ipso *Aristotele* editum non est, certe ab homine placitorum ejus peritissimo, ac bono Peripatetico elaboratum esse oportet: Ita nihil in eo reperiatur, quod Peripateticorum principis sinceram doctrinam non redoleat. Primum igitur argumenta illa, quibus Recentiores viri docti hunc librum ex operum *Aristotelis* catalogo expungunt, proponam deinde expendam, & nullius esse momenti probabo.

Petrus Victorius (ab hoc enim ordiri placet disputatio-
nem) lib. 25. Var. Lectionum cap. 13. hoc primum argu-
menti affert: longe diversam in eo libro deprehendi tra-
ctandi methodum & rationem, illi qua in suis libris solitus

uti